

欽定剿平三省邪匪方略

下壓擊斃二十餘人生擒黃進成等三名該匪
抵敵不住倉惶下竄適孫清元帶領兵勇八百
名於夜半趕到臣因山下路徑未能熟悉次日

黎明令其由圓木溝一帶追剿沿途復生擒張
學玉等九名並奪獲辛字大旗一面臣恐該匪

牽綴官兵又繞他道闖入親自率兵由西溝西
河一帶兜出令孫清元仍沿貼邊界攔擊遏其

來路該匪徹夜狂竄直至雞心嶺忽折回西面
尖山坪上茅壩行走察其蹻計欲向菜子壩黑
山頂等處衝撲初十日孫清元已由中茅壩抄
在賊前正遇匪衆蜂擁而至勢極剽悍互相迎
拒至半日之久官兵礮轟騎馬賊數人賊遂搶
佔山梁並分一股繞至掃樹坪下欲斷該鎮後
路臣先撥西溝防兵二百名協助仍親率原兵

趕赴策應分三路擊剿賊卽歸併一處捨命直
前守備吳純俊首先衝入射死騎馬賊一人衆
兵兜圍競進矛扎鎗擊立斃三十餘人生擒夏
文聘等十一名該匪格鬪不住復向黃柏廠退
走孫清元帶兵乘勝跟剿五十餘里奪獲騾馬
刀矛鳥鎗旗幟等件賊遂向陝省平利縣之鎮
坪而逸臣提到前後獲犯研鞠同供此股共有

千餘人大頭目是辛聰辛斗朱麗子陳光俊顏
中考因辛聰是襄陽人總想到湖北去當將該
犯等分別辦理內吳正合等六名係新被裹脅
卽予省釋馬骡器械分賞出力兵勇此兩次迎
頭擊剿賊匪擒殺多人該匪計力俱窮已極畏
懼但辛聰等意欲入楚此間邊界綿長更須刻
刻嚴加防範察其所向隨時遏截現令孫清元

帶兵仍在黑虎廟等處往來巡邏亦暫棄西

臣

溝督率西南各要隘防兵實力堵禦總不令一

名竄越楚境至該匪或從鎮坪西奔平利或又

南竄入川均未可定

臣

已飛咨額勒登保德楞

泰那彥成及川陝各督撫查探賊情派員遏擊

奏入

上命軍機大臣傳諭倭什布曰前據倭什布奏稱大

寧石壁山一帶有不知姓名一股賊匪在彼游奕
朕卽以該督所奏係於摺尾畧露端倪預佔地步
今據奏探知賊蹤漸向北趨至徐家霸地方將近
邊界果不出朕所料倭什布一聞信息卽帶兵截
剿賊匪仍向陝西平利逃逸未令竄入楚境此實
倭什布之萬幸設使此股賊匪又復闖入楚省則
該督疎防之罪更無可逭但朕聞川省賊匪現經

官兵逼剿民間自相保聚堅壁清野賊勢已極窮蹙該匪等在彼無食可掠勢必又思竄入湖北鄖房等處完善地方以圖搶掠延喘不獨辛聰本係襄陽人注意入楚卽其餘各股賊匪亦難保其不向川楚交界地方乘間奔突倭什布務須加倍嚴防隨時遏截毋得稍有疎虞至倭什布以辛聰等賊匪擊退後或從鎮坪西奔平利或又南竄入川

均未可定。各額勒登保那彥成等一體派兵堵
剿所辦尚是各股竄匪出沒無常雖川陝帶兵大
員等各在一方擊剿實則同辦一事自不當稍分
畛域之見倘賊匪或有仍行折竄入楚者倭什布
總當奮力截拏卽兵力稍單不妨於附近營分酌
量添調或多募鄉勇務期堵禦嚴密不使賊匪一
名闖入亦不必遠離邊界若防範不密致令楚省

完善之地復被滋擾則惟該督是問恐不能當此重咎也

同日

上命軍機大臣傳諭額勒登保那彥成松筠魁倫倭什布吳熊光曰據從九品掲琮奏軍營善後事宜內稱團集本地之人練而爲勇此等鄉勇聚則爲兵散則爲農事竣毋庸另籌安插惟雇募鄉勇俱

係外府州縣之人其中多係革兵革役應募充當
將來歲事仰食無資必須安插得所現在川陝各
省教匪逆產暨逃亡無著之業甚多飭令各州縣
早爲清查勿令侵佔事竣令鄉勇內老弱者歸農
精壯者或分撥各營充補兵缺或添設營汛給與
查抄逆產令其屯種所言尙屬可行此等僱募鄉
勇本係無業之人撤回後自須妥爲安插卽各處

投出難民除有籍可歸者應令地方官隨時酌給盤費令其回籍其無籍可歸者亦當籌及生計俾無失所著額勒登保等於辦理善後事宜時飭令地方官將教匪逆產暨逃亡無著之業一律清查不得稍有影射侵佔俟事竣之日分給鄉勇難民人等以資安插

二十三日 丁丑 額勒登保奏言查川中賊匪惟徐

添德王登廷爲大股其狡猾亦較他逆爲尤甚
節經剿潰之後於東鄉太平一帶輾轉奔逃且
探得冉添元樊人傑二股由西鄉竄回川境在
鹽廠陳家壩等處先後與徐添德王登廷合夥
該匪等益恃人數較衆分合無常希冀牽綴官
兵並欲阻擾糧道實屬可恨之極自應分路兜
圍逼歸一處庶易殲洗臣察度地勢情形當派

阿哈保穆克登布等一路官兵由太平之官壩竹峪關洪口一帶前進臣帶領春寧格布令楊

遇春許文謨等由巴平口石窩場一帶前進初

四日穆克登布行抵絲羅壩羊棬堡追及冉添

元一股賊尾斬戮四十餘人賊仍與徐王等逆

竄集穆克登布等知

臣

親督官兵由大丹坡一

帶進發遂將賊匪逼向

臣

一路以期夾擊

臣在

三清峒一帶節次遇賊該匪等一見官兵卽逃

命翻山竄逸先後殲獲計有八十餘人次晚踏

探賊蹤均向巴州之馬板灘過河遁去是夜阿

哈保穆克登布等亦追賊前來與

臣駐營之處

相隔只有十餘里當卽傳令阿哈保穆克登布

等帶領馬步官兵過馬板灘河由右手繞出厲

背梁預截賊前復令春寧楊遇春等帶領馬步

官兵過河從左手覓路抄截

臣帶領許文謨由

中路進擊午後趕抵何家院對面山梁有本地

民人來報今早賊匪竄在何家院山頂因附近

之黃成寨居民稠密欲圖搶擄已攻撲數次正

在危急

臣

卽驅兵下溝維時適見春寧等所帶

官兵已搶上何家院半山賊匪亦搖旗呐喊放

鎗抵抗我兵愈逼愈緊竊料該匪等知有官兵

到來必捲撤攻撲黃成寨之人捨死前來抵擋
一面傳令前軍不得輕進臣一面躍馬督兵馳

上乃賊匪業經率衆撲下我兵有不能存立之

勢春寧等所帶之箭俱已射完尚在督兵力擊

春寧右腿被賊矛刺破靴襪傷馬春寧跌下坡

坎左胯傷骨格布舍之馬亦被賊戳死墮崖受

傷尚不甚重倚衛色玉慎兩腿俱受矛傷遊擊

銜廣福額頗猝中賊箭守備傅廷佐左頸受矛
傷弁兵中亦間有跌傷之人維時臣已逼近賊

匪督率官兵奮力直前刀砍矛截立斃賊匪數
十人賊遂奔竄官兵乘勢追殺越過大嶺數重
斃賊二百餘名賊隊中有手執白旗一人指揮
衆賊往來衝突勢甚兇悍經我兵放鎗擊傷旋
卽拏獲供認係樊人傑股內北路總兵賈正舉

又獲有賊目田聰嚴加訊問該犯等僉供徐添
德王登廷冉添元樊人傑本日均在一處官兵
到來時見徐添德等已翻山徇白水硐逃走旋
據穆克登布等差人稟報帶兵行至白水硐山
林聞人聲嘈雜官兵于林內潛伏見賊衆銜尾
而來阿哈保穆克登布帶兵將賊衝斷兩頭趕
殺統計斃賊五百餘人生擒男婦四百餘人滾

岩跌斃者甚多搶獲騾馬刀矛等件并拏獲徐
添德等夥內探馬頭曹金榜等七名守備黃啟
焜千總許振超奮勇衝入賊隊殺賊陣亡佐領
吉林阿左膀受石傷驍騎校富昌受石傷一處
查此次兩路殲獲賊匪共有一千數百名而首
逆尚在兎脫實爲焦憤次日臣復與阿哈保等
分路在土地埡鷹背梁搜捕六十餘里所獲賊

匪男婦又有一百餘人訊知餘賊均向分水嶺茅壩普光寺一帶分頭竄去

臣

仍督兵趕緊剿

辦至川東地界現有七十五朱射斗等領兵截

剿張子聰伍金柱兩股竄匪該匪人數無多已

飭令一面趕緊剿滅一面緊顧東面其西鄉境

內賊匪經德楞泰帶兵剿辦大率俱已入川卽

或別處奔逃總不出通江南江太平東鄉巴州

一帶日內尙與德楞泰相合盡力剿辦更易完
事再春寧前令馳赴開縣一帶協同朱射斗剿
賊因春寧未接知會之前已自達州帶領屯兵
起身由太平取道來臣軍營臣又據朱射斗稟

報已與七十五合爲一路其馬隊官兵有侍衛
噶達龍等官領亦甚妥協春寧可以毋庸前往
今春寧身受重傷次日令人醫治骨縫甫合但

恐一時未能卽愈侍衛色玉慎傷亦頗重已就
近令赴達州暫爲養息其餘傷亡弁兵鄉勇容
另查明咨部所獲賊犯除將僞總兵賈正舉賊
目田聰等及從逆日久者分別凌遲正法外其
餘脅從之男婦人等一百餘名口仍分別釋放
又此番官兵連日趕剿賊匪逃散者不計其數
多有投向各寨經寨首等送到者臣恐其中或

有奸計詳細查詢實係悔罪投誠且有附近各
寨首情願具保當俱剴切曉諭飭令各安生理
額勒登保又奏言竊臣准倭什布咨稱遵

旨將山西官兵三千名全數撥駐德楞泰軍營以資
剿捕旋又接德楞泰來信因現在追賊緊急逐
日遷移無定恐此項山西官兵一時不能趕及

軍營徒勞跋涉囑臣酌量派撥以爲堵剿之用

伏查賊匪奔竄無常堵與剿皆關緊要此時各股逆匪離楚已遠該省邊界又經倭什布另行籌備自必妥協陝省之西鄉一帶乃川陝交界之虞山深嶺大賊匪易於竄匿近經德楞泰在該處一帶生擒高均德等後將各股竄匪痛加剿殺逼向川境目下固已肅清但該匪等豕突狼奔亦難料其不再行折竄西鄉原有防兵不

甚充裕茲山西叅將德爾清額所帶官兵二千
名係由平利紫陽前進距西鄉已近臣一面傳

知德爾清額將所帶官兵二千名徑赴西鄉一

面行知王文雄於此項官兵到後卽於各要隘

添設營卡協同該處原有兵勇嚴加堵禦遇有
賊匪竄至卽相機截剿並知會松筠就近指撥

至叅將李芝榮等所帶之山西官兵一千名係

從巴東取道四川之奉節梁山一帶而來刻聞

德楞泰剿賊將近川省南江通江等處

臣

卽飭

該叅將帶兵徑赴通江之德漢城暫行駐劄該

處地當扼要賊匪易於出沒即可藉資堵截如

德楞泰追賊入通江南江地界就近調用亦甚

便捷再據倭什布答稱該省帶兵官員不敷調

派囑將前經留駐巫山之湖北叅將吉林泰烏

爾卿額二員撥回楚北因思該叅將等歸於本省防堵自更得力於接咨後當派副將明善前往巫山更替卽飭吉林泰等二員速回湖北聽候倭什布調遣

額勒登保又奏言

臣欽奉

諭旨令將明興調赴軍營酌給兵丁剿賊查明興世

受

國恩前於開縣坐守心實不安其冒昧陳請酌添
兵馬之事恩欲竭力圖報但明興年逾六旬且

去歲新受重傷臣每日趕賊打仗行走八九十

百餘里不等恐明興未能騎馬緊跟查開縣有

一窪地並有積貯糧米前明興在彼設立營寨

賊匪未敢侵犯明興亦曾帶領兵勇打仗此時

若調至大營該處又須另遣人員前往接辦請

將明興仍留開縣暫住俟

臣

趕賊至開縣時再

酌量給予兵丁令其與小股賊匪打仗奏入

上命軍機大臣傳諭額勒登保曰徐添德王登廷冉

添元樊人傑等股匪聚集一處恃其人衆分合無

常冀圖牽綴官兵並欲阻擾糧運實屬狡譎可恨

經額勒登保分撥官兵相機進擊生擒僞總兵賈

正舉賊目田聰又經阿哈保穆克登布於潛伏時

將賊匪衝斷剿殺兩路殲擒共一千數百人所辦
俱好惟閩摺內稱春寧格布舍色玉慎等俱因奮
勇剿賊受傷而春寧色玉慎受傷尤重閩之淚下
至額勒登保於剿賊時躍馬督兵甚爲屢念春寧
等得受重傷已屬不值至額勒登保係經畧大臣
爲賊匪屬目之人倘輕身赴敵或稍有疎虞豈不
更損失威重況侍衛將弁等因傷調養不過少一

帶兵之人額勒登保則係指揮調度大員非他將
可比嗣後於進剿賊匪并宜督兵追擊往來策應
臨陣時務加斟酌斷不可親自搏戰冒險輕進額
勒登保素性奮勇當仰體朕懷倍加慎重也至春
寧因右腿被矛刺穿靴襪傷馬致跌卽與臨陣受
傷者無異著卽照受傷例給賞並加恩授爲御前
侍衛格布舍本係副都統銜著挑在乾清門行走

色玉慎著陞爲頭等侍衛共餘受傷之遊擊銜廣
福守備傅廷佐佐領吉林阿驥騎校富昌俱著遇
有應陞之缺先行補用仍將各該員傷痕曾否痊
愈之處遇便覆奏以慰朕心其陣亡之守備黃啟
焜千總許振超均咨部賜卹現在賊匪經此次痛
剿之後勢尤窮蹙而德楞泰已由西鄉一路帶兵
赴川卽日可與額勒登保會晤伊等或分爲兩路

或合在一處總在臨時相機辦理自更易於集事
此時額勒登保固當上緊剿辦亦不可因亟欲竣
事心存急遽轉致辦理草率前因軍務歲功期於
完善是以降旨令於兩三月內將大股賊匪以次
剿淨額勒登保此時如已趁官兵勝勢將著名各
首逆全數擒獲大局可以辦定固屬甚善否則卽
於兩三月後歲事亦不爲遲惟在剿辦一股卽肅

清一股不使稍留餘孽方爲盡絕根株至所奏酌撥山西兵丁分赴西鄉通江用資堵剿俱合機宜自應如此辦理又據奏請將明興留於開縣防堵該處係糧運往來地方明興在彼既屬得力且據稱伊曾打仗受傷著照所請仍留開縣駐守不必另派他處帶兵也阿哈保穆克登布設伏擊賊甚爲得力著交部議敘

同日德楞泰奏言竊查龍招周張世龍等匪由
龍池場七寨子折回通江太平惟張添倫張金
魁王添成並王三槐餘黨符曰明庚向瑤等約
其四五千人合夥西行其龍逆等賊當經札致
額勒登保就近分兵剿辦臣顧其西北卽帶兵
緊躡賊蹤翻越界嶺由通江南江交界之空山
剽掠樹檉桂花園一路前進沿途頗有斬獲初

四日兵抵嚴灘採得張添倫張金魁符曰明度
向瑞宋鑑子王添成等分屯於平河空木河等
處又據獲犯供稱聞該逆等欲至廣元寧沔繞
過漢江是各逆總欲過江北竄實堪痛恨初五
日督率阿穆勒塔並侍衛將弁等帶領馬步官
兵由土地埢直取平河進剿令賽冲阿溫春札
勒杭阿等帶領馬步官兵繞出空木河抄截追

臣兵抵平河詎該逆已知官兵前來先於箐林
中設伏突出迎拒幸官兵奮勇鎗箭齊發立殺
賊二十餘人登時潰敗而逃官兵乘勝追殺而
空木河之賊亦經賽冲阿等剿敗兩處賊匪俱
由大埡旁回身捨命抗拒兩路官兵併力兜剿
又殺賊百餘名賊始披靡亡命奔逃官兵追殺
直至金廠嶺賊卽丢棄馬驥翻入箐林老山遁

去此次除棄械逃散外約殺賊五百餘人殄斃
王三槐之僞元帥呂其仁生擒蔣正朝駱毛氏
等男婦二百二十一名口搶獲馬骡鎗礮器械
衣物極多所獲各犯分別辦理復據差探票報
張添倫王添成等股賊匪連夜由岳溪河翻老
山向寬灘河一路奔逃張金魁符曰明等股賊
匪由黃柏埢竄至野人村屯紮查寬灘順河而

上即可直達廣元寧汎大道過河則通七眼洞

又可直奔黃官嶺

臣

帶兵由觀音壩繞至寬灘

河截住賊頭官兵突出極力痛剿又殺賊三百

餘名擒獲魏佳義等二十二名滾巖落河者甚

多該逆等祇剩千餘人馬十數匹卽折回老林

仍由岳溪河翻金廠嶺箐林向南而遁惟符曰

明等雖係餘黨又有張金魁合夥人數尙有三

千餘名而野人村係廣元所屬亦可徑通寧汚

臣

由寬灘河取道橫擔梁繞出西北次日至野

人村後山賊匪毫不知覺我兵分路殺入賊衆

驚慌亂竄維時對面山腰壘子屯紮之賊見官

兵剿殺竟敢傾巢下山前來救援臣俟其盡下

時急令我兵分投抄出賊後三面兜剿鏖戰良

久殄戮極多賊衆不能抵敵分兩股敗竄一由

野人村竄入西山老林約二千餘人當令溫春

札勒杭阿等帶領步隊進林跟追一由順溝而

逃者四百餘人

臣督率賽沖阿阿穆赫塔等帶

領吉林索倫馬隊趕追二十餘里全行剿盡其竄入老林賊匪因路徑偏仄羊腸一線擁濟不

開不但馬騾什物盡行丟棄竟有後賊截殺前賊奪路奔逃者官兵追殺四十餘里除沿途斬

殺滾巖擒獲外約剩賊匪六七百人竄至鷹嘴
崖詎該處崖高十餘丈絕無路逕後面官兵緊
跟追殺逆衆遂棄械徒手盡皆墜崖而下經兵
勇繞出崖下殺斃甚多其生逃者不過三百餘
人當卽派兵跟追並差弁遞傳遠近各寨一併
嚴查遍山搜捕查兩股賊匪統衆三千餘人官
兵追剿痛殺共有一千六七百名生擒賊匪男

婦八百六十四名口復派兵四處搜捕又獲賊匪三十一名生擒王三槐之僞總帥符曰明並其妻王氏張金魁之僞元帥王佐銀耿均榮冷添祿之妻楊氏惟在逃之張金魁一犯據符曰明等僉供於空木河被剿情急是夜帶二三人銅金澈領菁林潛逃臣隨派幹練弁兵星夜前去督同各寨首細加搜查務期必獲其蹤向瑞

犯據各犯僉供年逾六旬實不啻事生死不知查該逆係出名首逆亦派兵於鷹嘴崖一帶逐加搜查再近來所獲各賊俱多赤足蓬頭形如菜色勢實萬分窮蹙故必夥合數股之衆竄走無兵之處以冀苟延殘喘而臨陣投出者究屬寥寥每訊獲犯咸知投順概准免死並酌給銀米路票歸業無如該逆等頑梗性成酒復嘯

聚滋擾執迷不悟實屬罪惡貫盈自取誅戮至
現在川省地方洞寨聯絡險固可恃而又纂查

嚴緊賊匪往來不沮無人可擄卽一切糧食牛

馬無不屯養寨內當此嚴冬饑寒交迫賊數日

漸滅亡官兵益覺驍勇趁此機會多殺一賊卽

少一害掃除一股卽去一擊臣擬卽帶領得勝

全師自北而南逐一搜捕並探剿張添倫等股

賊匪且通江南江一帶相距太平不遠如或與
額勒登保兩軍相近卽可面商熟籌趕緊剿辦
至首逆符曰明係東鄉首先謀逆之犯與王三
槐冷添祿等同惡相濟茲幸生擒應檻解達州
交魁偷盡法處治凌遲示衆其楊氏王氏俱應
緣坐亦應一併解送查辦俟軍行就近何縣卽
飭交該縣小心管解僞元帥王佐銀耿均榮俱

係襄陽首先謀逆之犯

臣

於訊明後卽擣割處

死所獲各犯訊出實在難民男婦張元中李王

氏等二百五十二名日照例省釋外其夏可彥

潘國明等六百四十三名俱係從逆起事及焚

掠戰手一概駢誅再連日打仗有賞戴藍翎雲

南戰兵姚亮受傷陣亡四川外委陳如奉被石

傷右胯損骨其餘滿漢兵勇傷亡者俟查明再

行咨部辦理奏入

上命軍機大臣傳諭德楞泰曰各股賊匪總思由寧河一帶偷渡漢江經德楞泰等痛加剿殺不令北竄並生擒賊首多名所辦甚好德楞泰著賞給玉搬指帶環大小荷包溫春阿穆勤塔著各賞玉搬指轟藥葫蘆大小荷包札勒杭阿賽冲阿各賞給玉搬指玻璃盒大小荷包以示獎勵其受傷陣亡

之戰兵姚亮著咨部賜卹此次擒獲之符曰明卹
係王三槐之僞總帥而令添祿之妻楊氏亦被擒
獲可見從前擊獲逆首王三槐冷添祿二犯其餘
黨至今尚有留遺前此勒保等奏報情形俱非確
實今張添倫張金魁俱已南竄德楞泰自應乘此
勝勢上緊追擊將各首犯按名擒獲每獲一首逆
必須將此股夥黨悉數殲除卽其妻子等亦不留

餘孽方可云辦淨一殷切不可因年內亟欲成功
惟思擒獲首犯即可奏報完竣設已報歲功大兵
撤後餘黨又復潛出滋擾則更不成事體德楞泰
等固當上緊剿辦但不得草率從事致根株稍有
未淨也至所奏川省地方現經民人保聚自守洞
寨聯絡險固可恃及賊匪無食可掠窮竄饑竄各
情形皆與朕近日所聞符合自係實情此時德楞

泰等在逆江南江一帶距額勒登保軍營不遠更
可兩面夾擊惟當相度機宜協力奮剿應合則合
應分則分朕亦不爲遙制至現在臨陣投出者寥
寥諒係逆匪等罪惡貫盈自知萬無生理是以不
敢投出此等頑梗匪徒亦惟有臨陣殲戮實亦罪
由自取也

同日

上諭內閣曰著於部庫撥給銀五十萬兩照例撥解
河南交與吳熊光支發軍需等項

欽定剿平三省邪匪方畧正編卷一百三十五

己未年

十一月二十四日戊寅松筠奏言臣遵提永保明

亮與肇慶成詳加訊究並提証佐人等隔別查

詢所有明亮兩次貽書永保令其駐紮大山發

又叅奏永保久住未動一節最爲緊要關鍵茲

已質對明確其始慶成永保如何議定永保暫

停大山合原委明亮本不得知核其寄信日期

明亮初次復書之時實因賊在鎮安北面空虛
大山分本屬緊要兩小股賊匪又在商州鎮安
等處奔竄故有此札至明亮具奏永保久住則
因張漢潮大股賊匪業經西竄離大山忿已遠
實不知永保業已移營斜峪關堵禦最後明亮
所寄之書又因賊匪已入甘省斜峪關無庸防
堵追兵甚多亦無須永保趕來日鎮安一帶尙

有小股賊匪所以商之永保或仍回大山谷布
置是軍務情形逐日不同均係隨時斟酌並非

明亮有心傾陷永保

臣

復質訊慶成永保所供

俱屬無異至明亮在龍駒寨樂莊牧護關三次

打仗有無捏飾

臣

以趙洵之書逐一訊問據明

亮供自得叅贊後各處營卡官兵鄉勇俱應隨

時調度預將堵剿機宜詳悉指示地方官並該

處鄉勇確探截剿五月十九日龍駒寨地方鄉
勇打仗殺賊及明亮督兵趕到該匪已竄大商
縣所有擒獲賊匪俱經解到軍營二十日欒
莊打仗係豫撫吳熊光派來河北鎮張文奇與
明亮前隊探路兵勇擊賊該匪由旁徑翻過界
嶺明亮趕至牌樓溝口賊匪四出狂奔明亮飭
令豫省鎮將並督本營官兵由燕子河分道抄

擊將賊匪逼回陝境六月初三日賊匪在牧護
關聞有兵勇卽行遁走明亮並未具奏打仗其
米湯河地方係賊匪折回該處明亮馬隊從山
而下賊匪卽四散奔逃追至湯峪口賊匪後隊
矛手在張家寨已被本地百姓同官兵齊力追
殺賊又竄走所有奏過一次擒獲賊匪黃文禮
等七十三名係在河南境內內有從賊起事之

人二十七名立卽正法其餘四十六名交河南
地方官辦理至各處兵勇沿途擒獲並百姓捉
獲送到軍營逐日發交隨營各員分別辦理總
計實有其數摺內所敘係奏齊逐日散數而言
所以趙洵說三次發交均屬子虛其摺內未將
鄉勇打仗分晰明白實屬昏憤糊塗愧悚無地
訊之與肇及知府趙洵外委張起鳳供亦相符

明亮身爲叅贊無論官兵鄉勇皆其統轄調度
如果據實聲敘未嘗非功而摺內籠統歸之官
兵打仗僅於湯峪口畧敘本地百姓數百人助
官兵殺賊雖較之以無作有任意欺罔者有間
而敷衍朦混實屬冒功可恥至張起鳳前供明
亮有你不實說即可殺你之語訊之明亮據稱
張起鳳隨營數月我並不知道嗣因軍營恐有

閑雜人等冒充隨營沿途搶奪食物派弁巡查
迨查出張起鳳詢問來此之故曾囑令沿途不
可生事並言我的軍法若有藉稱隨營沿途搶
奪查出定要處死係警戒大眾之言實非專爲
伊說訊之明亮隨從弁兵供亦僉同而張起鳳
仍堅執前供或係一時錯聽此事尙無關明亮
罪案輕重明亮之罪總在朦混敷衍不克及早

歲功卽以近事論之旣不能截賊匪之潛入甘
境又不能遏賊匪之逃回陝省其布置乖方耽
延貽悞已可概見此明亮之實在情形也永保

華陽失利及保奏將弁各情形業經那彥成查
訊明確具奏臣復嚴加詰問所供相同永保以

棄瑕錄用之人自應趕緊立功力贖前愆當賊
匪竄出益門鎮之時永保同慶成帶兵追趕幸

而逼進子午峪復入南山正可趁此機會竭力
剿洗乃必俟明亮夾擊又在鎮安一帶牽制於
分股之賊以致耽延其後駐紮大山岔布置北
面各隘口核以明亮慶成所供固屬無異但殺
賊係分內之事緩急情形隨時自審何須詢問
明亮以定行止是華陽失利之後其氣已餒畏
患遲延顯然可見此永保之實在情形也覆訊

慶成所供追賊逼近于午峪及在二郎塢等處
剿殺分股匪犯其後由大山岔分兵西進追剿
張逆均與原供無異前則隨同永保行止稽延
多日後雖分兵追賊究未能趕上賊匪遲悞之
罪亦無可辭興肇同明亮一路剿賊打仗情形
自當據實奏報而於明亮摺內籠統朦朧之處
既不能斟酌更正又不能及早檢舉實屬扶同

朦混至永保慶成明亮得受湖北餽送銀兩均
已供認不諱據稱俱經賞給兵勇實無肥已情
事軍營賞需雖屬不可已之項廉俸如有不敷
亦當奏請

賞借豈得以公項私相與受雖不入已應以入已論
至永保得受畢沅胡齊嵩銀八千兩雖在革職
解京之後固非因事受財亦不知係出自官項

然收受既多並不問其由來自未便照去官受
舊部財物減在官時三等及無官犯職有官事
發依無祿人科斷稍滋輕縱臣閱勘供詞核對

前後情節明亮永保如果各盡其心各竭其力
聞賊卽追見賊卽擊賊匪自可早就殄滅其弊
在各佔地步永保惟恃明亮之緊追明亮惟恃
永保之迎擊賊情百變山徑紛歧並不思設法

殲擒徒欲因人成事緩則互相札商急則互相
計告以致貽悞軍機兩人之罪均不可逭慶成
帶兵之日較明亮爲淺追賊之日較永保爲多
而受任三月大股首逆既不能除小股賊匪又
不能滅總屬貽悞督律載失悞軍機者斬監候
又載不枉法贓候各主者通算折半科罪一百二
十兩以上綏監候令明亮不保慶成兩罪並發

從重科斷除得受湖北餽送以入已諭不准減等依不枉法贓律綏監候輕罪不議外合依失誤軍機者斬監候律明亮永保慶成均擬斬監候興肇隨同朦混應於明亮罪名上減一等杖一百流三千里係屬宗室應請發往新疆効力贖罪明亮永保慶成罪名甚重臣派委知府崇祿遊擊李英多等押解來京送交刑部興肇暫

留漢中候

旨發落

松筠又奏言

臣

遵查明亮等前奏在甘肅三路

圍住張漢潮實在情形除密差幹役陳法前赴

該處細爲訪查並節據成檄二縣稟覆

臣

逐一

核對緣張漢潮於九月初五日由鳳縣之藍家

關竄入甘境兩當縣李家堡一帶初六日山兩

黨之蒲家堡竄至徽縣之永寧河明亮留恒瑞
在東面防堵伊同興肇帶兵緊追初七日賊匪

由徽縣北竄至成縣橫川鎮初八日竄至娑羅

村初九日竄至大川驛欲渡犀牛江正遇護都

司高興榮白階州帶領病愈兵丁八十餘名趕

赴索費英阿營盤行抵江濱見賊匪搶船欲渡

督率兵丁及該處鄉勇放鎗擊打賊匪不得渡

江南至隋文遂折回西竄初十十一兩日在西
河之義馬城等處滋擾明亮等由野雞溝追及
賊尾殺賊二十餘名十二日賊匪聞撤拉爾回

兵自禮縣西來遂北竄成縣之黑峪河屯聚石
家坪達家莊王家磨三處明亮興肇於是日趕

至陳家莊連夜進兵十三日四鼓時至達家莊

賊匪正在酣睡兵勇掩入在屋內者盡被殲斃

餘匪驚起狂奔逃入三尖山老林其石家坪王
家磨兩處賊匪聞信亦全入老林官兵乘勢勦

截殺死及跌崖者約有一百餘人騾馬沿途拋

棄臣細詢陳法令其指畫形勢及各路官兵堵

勦之處三尖山距成縣城五十餘里卽明亮指

內之天賜山也東連吳家山黃草山重山疊峰

深林密箐百有餘里本非兵力可以合圍明亮

所派之侍衛莫新富蘭副將多爾濟扎普等在廟兒塹等三處堵截皆在西南一面明亮知恒瑞帶兵已至黃濱關在山東面又聞廣厚帶兵自秦州趕來已當北面其東北一角皆係懸崖陡岩不特馬不得過人亦難行遂謂張漢潮已入絕地斷不能再稽顙戮不知十三日賊匪入林之後自三尖山左坡東竄至走馬坡遂入清

水溝經恒瑞派總兵觀祥帶兵入山迎頭截殺
礮賊數十名匪衆折回西北出牛尾溝正遇廣
厚兵抵溝口不敢接戰仍折至東北遁入老林
乘夜翻黃草山攀援藤葛滾崖而下由麻蛇溝
至三渡水廣厚趕至晒經寺賊匪已由三渡水
至徽縣之教場壩十四日遂至秦州之娘娘壩
所過並不停留由新橋復回陝境是彼時本未

圍住賊匪該匪亦未突圍而出恒瑞廣厚分投
截拏賊匪並非由此兩路竄出興肇明亮同在
西南督率三處將弁防堵吉蘭泰索費英阿之
兵尙在甘省東界往來堵截距三尖山更遠其
賊匪逃出之東北麻蛇溝一路實無官兵明亮
情形不熟一聞土人之言謂東北一路崖岸陡
險賊匪斷不能越過以爲萬分穩妥冒昧入奏

實屬皆贊。奉之至再。查恒瑞於三月中曾在
漢中糧臺提銀一千兩犒賞兵丁。因不敷用。又
取五錢重銀錠三百個。五錢重銀牌二百五十
面。共銀二百七十五兩。臣查銀牌銀錠軍營賞
項勢所必需。且爲數有限。將來應入報銷。惟所
提賞需銀一千兩。是否實係犒賞兵丁。抑或從
中染指。自應嚴行查究。再遵查永保慶成。此次

到陝有無染指需索各情弊當提永保嚴訊據
供我自本年四月到陝接印卽帶兵進山剿賊
並未辦理地方事務通省屬員除路過接見之
外其餘多未見面實無向伊等需索情事我係
新任上司尚不認識屬員亦不敢冒昧餽送至
軍營大小官員俱係按照品級支領鹽菜口糧
夫驛腳價我有巡撫養廉可領不敢支領分例

自己一切用項俱係支領養廉並未敢動用軍
需銀兩我係本省巡撫亦有稽查軍需之責所
有例應動支賞項糧臺俱有領紙可據我並不
經手無從侵用凡隨營文武及通省官民皆可
查問又提訊慶成據供此次來陝數月一切皆
係按例供支未敢額外多索亦無得受餽送

臣

前經札飭西安漢中兩局查對底賬永保慶成

並無提用之項現又札調糧員謝國楨朱繼武攜帶糧臺賬目當面確切查訊又密差家人至西安及永保慶成所過之處細加訪察俟查明後再行核奏均奏入

上諭內閣曰明亮永保等帶兵剿賊種種遲延玩悞捏飾謊報及得受餽送各情節松筠所擬俱屬按律辦理除明亮永保俟解京後另降諭旨外興肇

本係糊塗無能其在軍營帶兵惟知隨同明亮支
吾朦混節次明亮所發奏摺或竟未與興肇閱看
卽打仗處所亦未必親到祇係隨同列銜其罪較
輕非因伊係宗室卽從未減興肇著改發烏魯木
齊効力贖罪交與興奎嚴加管束慶成從前帶兵
曾經受傷此次係自行屢請前往軍營且擊剿張
漢潮時亦尙能跟蹤追蹤伊以受傷之人尙思出

力情殊可憫而其從前在湖北軍營剿辦賊匪彼時係永保總統景安在豫防守慶成祇係帶兵協同剿賊之人賊匪闖入豫境竄往陝西亦非其貽悞慶成著改發伊犁効力贖罪交與保寧嚴加管束

上命軍機大臣傳諭松筠曰據奏恒瑞于三月中曾在漢中糧臺提銀一千兩因不敷犒賞又續取銀

錄銀牌共二百七十五兩恒瑞提取此戶銀兩如
松筠查明實係犒賞兵丁並未從中染指自可毋
庸深究倘有冒支入己情事仍著據實叅奏

同口

上命軍機大臣傳諭額勒登保德楞泰魁倫松筠廣
興曰現在川陝追剿賊匪屢有斬獲賊勢已極窮
蹙大功將次告竣因思鄉勇一項其民間自爲團

練者聚則爲兵散則爲農事竣後自可無庸另行
安插惟雇募鄉勇俱係外府州縣之人其中良莠
不一俱係應募充當將來事竣之後若不安爲安
頓則此等無業民人仰食無資或有不安本分之
徒又復乘間滋事若俱籍爲兵丁又安得有如許
兵缺現在鄖陽五耶等處正議添設營分駐劄彈
壓其額設兵丁應須召募或卽將此等雇募鄉勇

令其入營充伍亦安插之一法著交該督等入於
善後事宜安爲籌辦務令人人得所綏靖地方再
前據那彥成奏富成所帶兵丁皆被褐無禪此等
兵丁均係爲國敵愾之人全在士飽馬騰方能奮
勇殺賊若任其衣被襆縷豈能用命前已有旨賞
給那彥成銀六千兩俾作爲賞需之用今著再賞
額勒登保銀一萬兩德楞泰銀五千兩以充賞項

但額勒登保等總須留心察看擇弁兵中打仗最
爲出力及實在貧乏者酌加獎賞不可因有此賞
項卽行濫賞遇有格外出力者轉無可酬其勞績
從前辦理軍務本無賞需一項卽有官兵打仗出
力者亦皆由特旨酌量賞給錢糧等項自福康安
承辦軍務始開賞號之端任意於所過省分及鹽
政關差等濫行支用供其揮霍以致兵丁等竟視

爲常例長其驕志而此次明亮永保等皆藉詞賞
需任意支領甚至借端肥已多有浮冒但此項賞
需相沿已非一日若遽行裁去又恐帶兵大員辦
理周章然竟漫無節制又豈核實辦公之道總之
軍務現已垂成固不必存愛惜小費之見亦不得
濫行賞用虛糜不繼也所有額勒登保德楞泰應
支賞項亦著于四川藩庫給發不必入於軍需項

下支銷又本日召見貴州知府孫鑑吳民秉二員
俱係從前剿辦紳苗時管理糧餉之人朕詢以彼
時糧餉如何解送情形據稱均係親身押運撥兵
護送並令家丁持械幫同防衛是以如期解到並
無貽悞是前此貴州運送糧餉尙爲妥協用能成
功迅速今四川省前解餉銀因道路梗阻曾雇覓民
夫令其懷揣元寶開道遞送此等民夫皆係臨時

充募非在官人役可比揣銀繞道行走並無官兵
護送安能保其途中不遇賊被掠且民夫等或私
行逃逸或將元寶藏匿謊稱被賊掠去亦無從查
核辦理殊未妥善魁倫松筠廣興嗣後于運送糧
餉等項務須遴選妥員派兵護送以期速達而不
致踈虞爲要

二十五日 巳卯 那彥成恒瑞台布奏言竊臣等由

漁洞子趨赴秦嶺老林沿途林密山險皆舍騎
步行連日又值陰雨處處積雪冰凌溜滑登陟
爲艱賊匪見大兵追及倏分三股仍係牽綴官
兵乘隙竄逃故智臣等隨傳集將領督率鼓勵
分投進剿副將多爾濟扎普等由化山前進侍
衛英杜等由熊掌溝前進綸布春由黑脫賂清
水河前進侍衛富蘭等赴柴家關堵截叅將李

天林等赴木子坪一帶堵截總兵長春赴大壯
坪堵截其東路江口八里坪一帶飛札知府朱
勲帶領鄉勇堵截其竄至安溝一股賊匪經多
爾濟扎普英柱等令擊賊匪蜂湧前來迎拒我
兵佔據山梁從上壓下衝入賊隊賊始敗逃兵
勇奮追殺賊一百三名生擒十五名其竄至板
房子一股賊匪經綸布春分兵左右抄擊衝突

良久賊匪不能抵禦四散潰敗殺賊一百十八
名生擒四十八名奪獲軍械等件其竄至八里
坪一股知柴家關大壯坪木子坪有兵不敢竄
出遂復竄往沙坪適遇朱勲所帶鄉勇首沈德
等在彼堵禦賊匪拚死衝撲鄉勇等將在前賊
採擊斃奪旗三面賊稍退却旋率大夥賊衆壓
下往來衝突數次殺斃賊探頭目張進忠一名

帶旗高正國一名餘賊十餘名生擒六名奪獲
鎗矛等件

臣

等現又派令綸布春等及多爾濟

扎普分路向西緊追並飛札總兵觀祥由秦嶺

西南迎截

臣

恒瑞亦由老林帶兵前來會晤面

商並提訊活賊戴興科據供緊要賊目冉學勝

高遇春劉掌櫃等俱向東竄

臣

等卽分帶官兵

向東北進剿惟賊竄處所不出老林祇可步行

躡剿趕緊追及鎗礮又難施展是以屢次擊賊

均係刀矛接仗不能痛加殲戮臣等焦急萬分

惟有竭力籌剿斷不敢泯滅天良自貽重戾再

官兵自入老林剿賊以來人人思奮而綸布春

帶兵深入不避艱險臣等見其奮勇前進殺賊

獨多尤爲超衆出力奏入

上命軍機大臣傳諭那彥成曰此次那彥成等分撥

將領在秦嶺一帶將奔竄賊匪趕緊剿殺殲賊二百餘名生擒六十餘名所辦皆好惟賊匪因大兵追擊皆向老林竄匿樹密山深致官兵鎗箭難以施放其狡黠情形實爲可恨閱摺內所奏該處山勢險峻又復冰凌溜滑帶兵各員皆舍騎步行可謂辛苦備經那彥成係朕特派帶兵之人自不肯絲毫怠緩朕所深信軍旅重寄必當慎重辦理斷

不可急欲見功轉致草率現在賊匪依險窮奔不過苟延殘喘那彥成惟當設法相機剿辦不應旨
險輕進況九月內朕自

裕陵回京後各路軍營陸續擊獲包正洪高均德符曰
明纏斃張漢潮各首逆明春祇謁

裕陵亦可上告

皇考在天之靈本日在

壇齋宿明辰恭遇

皇考升配適接那彥成奏報披閱之餘幾於不忍覽竟
那彥成惟當仰體朕懷遵照前降諭旨將各股竄
匪剿捕淨盡再赴川省協剿卽稍遲兩三月亦無
不可總當辦竣一股卽將此股餘黨殲盡方爲不
負委任轉不必過於促迫失之急遽也至所奏綸
布春帶兵剿賊不避艱險前因綸布春打仗出力

已降旨挑在乾清門行走今據那彥成奏伊奮勇
超衆情形尤爲可嘉著那彥成將保奏綸布春之
處向伊告知以伊打仗認真出力業經具奏朕心
極爲嘉許嗣後如再有勞績必當更邀恩獎伊自
益加感奮也

二十六日庚辰

上諭內閣曰川陝兩省軍需本年節次撥給銀八百

餘萬兩此時大功將次告成一切撫綏善後事宜
需費尙多現在部庫存項足敷應用著再發給四
川一百萬兩陝西五十萬兩分作四起陸續解往
派副都統國霖管解頭起工部員外郎元福管解
二起刑部員外郎楊馥管解三起其四起銀兩著
新調成都副都統定柱管解各該員到陝西時先
將五十萬兩交付松筠再將一百萬兩分起解赴

川省交付魁倫廣興俟兌收清楚國霖卽回京復命定柱赴經畧軍營面見額勒登保後卽往開縣帶兵堵禦更換明興回京供職元福楊謾二員著留於川省以道府補用如川省候補道府較多卽著魁倫將該二員答回陝西交與松筠差委遇有陝甘道府缺出再行奏補

二十八日午壬子廣厚奏言本年正月賊匪張漢潮

由利橋關入秦州臣自省起程帶兵往剿途次

接據秦州稟報賊匪竄入汪家川之後拏獲探

信匪犯王登甫一名正在訊供旋據皂角舖鄉

勇蕭復有等稟稱有南來五十餘人從該舖經

過內有一人頭戴藍頂口稱官員赴秦救援該

鄉勇等察係賊匪冒充卽約會衆人假意迎接

引路蕭復有由小路赴城密稟該州王賜均會

同署都司吏目等帶領兵勇出城接應至河南
灘地方賊匪見兵勇人衆卽持械撲扎冀欲奔
逃各兵勇一擁上前刀矛齊舉將該匪等全行
殲斃奪獲騾馬鳥鎗刀矛等件該州王賜均隨
提王登甫指認據稱頭戴藍頂者係賊目人稱
張飛餘係烏鎗矛子手邱理張有林等當將王
登甫正法等情臣當卽據稟附奏並復差弁前

往查驗各屍內有身穿女衣並有懷內搜出婦

人鞋隻者又於其遺存包裹內起獲張漢潮僞

令字旗一面僞木板諭帖一張經該弁携帶回

營

臣驗明後仍飭交該州存貯嗣於十月間接

奉松筠密札以訪得秦州鄉勇前次所殺之五

十餘人係明亮差往採賊之鄉勇向明山等令

臣設法傳喚擅殺之首從各犯訊明錄報核辦

臣

聞之不勝詫異伏查秦州鄉勇所殺之五十

餘人前據該州稟報揣度情形復查驗其僞令

字旗僞木板諭帖等物皆屬賊匪柄據惟其被

殺之月日人數均與松筠來信大槩相同似卽

係明亮差遣之鄉勇且自去歲以來川楚教匪

節次竄入甘境秦階一帶地方橫遭蹂躪因而

土著居民一見川楚之人卽疑爲賊匪無不痛

心切齒前已有疑賊悞殺各更難保明亮所
差之鄉勇必非秦州鄉勇戕害自須切實根究

嚴行懲辦惟

臣

已赴西寧此案人數衆多若逐

一拘提審訊轉慮秦州士著民人聞風驚懼因

思安肅道瑞亨現在調往秦州協同防守可以

就近審辦此案業經稟知松筠飭交瑞亨傳訊

如係明亮所差之鄉勇被秦州鄉勇疑賊悞殺

卽行分別定擬具奏奏入

上命軍機大臣傳諭松筠廣原曰據奏接據松筠密
札以訪得秦州鄉勇所殺之五十餘人係明亮差
往探賊之鄉勇向明山等此事甚奇該鄉勇等所
殺各犯如果係明亮差往探賊之人自必給有熟
照即使未經呈出亦必隨身攜帶或藏在包裹內
何以並未起獲該犯等一見兵勇人衆卽持械擣

扎且有張漢潮僞令字旗及搜獲女衣鞋隻又似
確係賊匪但該州鄉勇殲斃多人或竟係疑賊悞
殺迨自知錯悞恐干妄殺罪名輒行裝點情節其
所稱女衣鞋隻及僞旗木板等項全係該鄉勇等
捏飾具報亦未可定現據廣厚奏稱該處居民因
川楚教匪節次竄入一見川楚之人卽疑爲賊匪
前此已有疑賊悞殺各案若此案亦係該鄉勇等

疑爲賊匪卽行戕害至數十人之多則川楚民人必致心生疑懼不敢復向甘省境內行走殊有關係不可不查訊明確嚴行懲辦松筠係該省總督旣知明亮有差鄉勇向明山等赴甘探賊之事並經密札廣厚何以未據奏及殊不可解現已據廣厚令道員瑞亨就近審辦而松筠駐劄漢中現無要事俟瑞亨審訊詳報松筠時如有應行親訊之

處即可酌提人証詳細嚴鞫倘該處鄉勇實有疑
賊悞殺情事卽行分別定擬具奏以示懲儆毋稍
不實不盡再林鶴現因患病解任已降旨將楊揆
調補四川布政使廣厚補授甘肅布政使伊到任
尙需時日甘肅藩司事務需人辦理卽著松筠令
姜開陽接署以便楊揆速行交代赴川至陝省各
股窩匪屢經官兵逼剿勢已窮蹙此時賊匪究在

何處奔竄何股已經剿盡並著松筠迅速具奏